



Inatsisartuni ilaasortaq
Anders Olsen, Siumut
/Maani

Sinerissamut illersuiffiup killeqarfia pillugu § 37 naapertorlugu apeqquteqaammut nr. 254-2019-mut akissut

Brevdato: 25-07-2019
Sagsnr.: 2019-16912
Akt-id: 11227431

Asasara Anders Olsen

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

Inatsisartut suleriaasianni § 37 naapertorlugu sinerissamut illersuiffiup killeqarfia pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput.

1. Sunaana tunngavigalugu illoqarfiit nunaqarfiillu killeqarfiisa avataanni sissamiit 100 meterinik qaninnerusumi illuaqqiortoqarsinnaanera inerteqqutigineqartoq?

Illoqarfiit nunaqarfiillu killeqarfiisa avataanni sissamiit 100 meterinik qaninnerusumi illunik inisseeqqusaanngilaq. Kisiannili illuaqqat sunngiffimmi takornarianullu atorneqartut sissamiit 100 meterinik qaninnerusumut inissinneqarsinnaapput, tamanna asimut pilersaarummi allanneqarsimappat. Asimut pilersaarut nunap iluani sumiiffimmut killilikkamut atuuttussaavoq, aammalu Namminersorlutik Oqartussat kommunillu pineqartup suleqatigiinnerisigut suliarineqartussaalluni Aalajangersakkat pinngortitamik illersuineq pillugu Inatsisartut inatsisaanni nr. 29-mi, 18. december 2003-meersumi (pinngortitamik illersuinnermut inatsit) § 26-mi aamma 30-mi allassimapput.

Kuuit sineriallu sinerlugit uumasut naasullu illersorniarlugit sinerissami titarneq illersuiffiusoq pilersinneqarsimavoq. Sinerissami titarnermut illersuiffiusumut tunngavilersuut inatsimmut oqaaseqaatini allassimavoq: *"Erngup nunallu naapiffii - kuuit sinaat sinerissallu - uumassusilinnik assigiinnigissitaartorpassuarnik naammattuiffissaapput. Tamakkunani uumasorpassuaqarlunilu naasorpassuaqarpoq. Inuittaaq kuunnut kangerlunnnullu kajungertarput. Tamaani piniarneq aalisarnerlu pisarput, aammattaaq illuaraliortoqartarpoq. Taamaammat kuuit sinaat sinerissallu illuliornermut, atuiupilunnermut, nungullarsaanermut aserorterinermullu immikkut illersortariaqarput. Taamaammat siunnersuutigineqarpoq soorlu kuuit sinaat sinerissallu atuarlugit killiliisoqassasoq illersugaasunik".*

2. Inatsit 2003-imeersoq sioqqullugu, sissamiit 100 meterimik qaninnerusumi illuaqqat sananeqarsimasut sutigut ajoqusiisimappat imaluunniit akornutaappat?

Pinngortitamik illersuinermit inatsimmut 2003-meersumut nassuiaatini allassimavoq, pinngortitamik illersuinermit inatsit 1980-imeersoq naleqqukkunnaartoq, taamaattumillu inatsimmik nutaamik, ilaatigut uumasunik naasunillu illersuinerup pitsaanerulernissaanik, taamaalillunilu uumassusillit pigiinnarneqarnissaannik qulakkeeriffiusumik atorfissaqartitsisoqartoq.

Inussiarnersumik inuulluaqqusillunga

Kim Kielsen